



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm Vlt. Quæsitum.

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

Idemque multò magis dicendum, si lex indefinite iubeat suspensionem ob tale crimen à judice ferri, yti docet Suarez de censur. disp. 29. sect. 1. num. 18. Sin autem canon tempus definitat, quo suspensio durare debet, tum inferior, videlicet Episcopus, relaxare non potest. Quia de re dixi lib. 1. tr. 5. p. 3. cap. 4.

Deinde tradita doctrina limitari debet: Nisi crimen à Clerico commissum, tale sit, obquod secundum canones deponi debeat, videlicet unum ex maioribus, seu enormibus, sicuti explicatur p. 3. n. 2. §. criminis. Nam in talibus dispensare non potest Episcopus, et si clericis, 4. §. de adulterijs, de judicijs. Id verò nunc intelligi debet de criminibus notoriis, aut ad forum contentiosum deducitis. Si enim occulta sint, Episcopus pro foro conscientia absoluere & dispensare potest, homicidio voluntario excepto, per Concil. Trident. sess. 24. c. 6. de reform.

CAPITVLVM VI.

Quæsitum.

PARAPHRASIS.

Quæsitum fuit ex Gregor. X. Pontifice,
quid agendum esset cum Clericis, qui ad-
uterij, perjurij, homicidij, aut falsi testi-
monij crimine se maculauerunt. Respon-
det Pontifex: Si talia crimina neque in
populo notoria sint, neque per iudicia-
riū processum comprobata, videlicet per te-
stes, aut propriam Rei confessionem, hoc
casu Clerici criminosi post actam de cri-
mine poenitentiam, non debent prohibe-
ri, quod minus in suscepitis ordinibus mi-
nistrent, & ad superiores ordines ascen-
dant: excepto tamen homicidio. Sed an-
te actam poenitentiam monendi, & diuinis
iudicij proposito metu, obtestandi sunt,
ut ne cum periculo damnationis suæ, in
suscepitis ordinibus ministrare, multò
minus ad ordinem superiorem a-
spirare audeant,

SUMMARIUM.

1. Si crimen Clerici enorme vel populariter vel iudicialiter notorium sit, prohibendus est ab executione Ordinis suscepiti, & susceptione altioris.
 2. Occultus criminosus post actam paenitentiam in officio suo ministrare potest; excepto criminis homicidii.
 3. Potest Sacerdos notoriè criminosus, & ab exercitio ordinis non prohibitus, post paenitentiam & emendationem publicè notam icerum celebrare, & sultem aliquo temporis intervallo interposito.

Hinc per contrarium sensum colligi -
tur, si crimen eiusmodi enorme vel
populariter, vel iudicialiter notorium sit,
prohibendos esse Clericos ab executione
ordinis suscepit, & susceptione altioris; idq;
vel absolutè, si spectati omnibus, pœna de-
positionis inferenda videatur, vel saltem ad
tempus, donec plenè de commissione
satisfecerint.

NOTANDVM I. Crimen adulterij, incestus, periurij, falsi testimonij ipso iure non inferunt suspensionem, aut irregularitatem. Quare si factus occultum maneat, Clericus post actam penitentiam de tali criminis, in officio suo ministrare potest. Excipitur autem crimen homicidij, quod etiam si occultum maneat, irregularitatem conciliat, eamque non ab alio, quam a Summo Pontifice dispensabilem.

NOTANDVM II. Ex hoc c. probabiliter colligitur, non tantum Sacerdotes (de quibus dubium non est) sed etiam alios in sacris constitutos mortaliter peccare, si cum conscientia peccati mortalis in ordine suo ministrent, v.g. Diaconus Euangelium solemniter cantet. Sed hanc q. plenè disputauit lib.

Q V A E R R S : Si Sacerdos v.g. fornicationem, vel adulterium in populo notorium commisit, sed ab Ordinario exercitium ordinis ipsi non prohibeatur, potestne post paenitentiam, & emendationem publice notam, interposito saltu aliquo temporis in-

teruallo, iterum celebrare? Responsio est affirmativa, quam docui lib. 1. tr. 5. p. 5. c. 4. q. 2. dicto 3. Quia, ut supra dixi, nec suspensus, nec irregularis est. Infamiam quidem contraxit popularem; sed ea vt per crimen contracta fuit, ita per eius abolitionem, seu penitentiam tollitur,

CAPITVLVM. I. eod. Tit. in 6.

Sæpè.

P A R A P H R A S I S.

Clemens IV. prohibet, ne Episcopus aliquis Italiæ Clericum ultramontanum ordinare præsumat, nisi à Pontifice expressam licentiam acceperit, vel ab Episcopo suo literas patentes afferat, in quibus causa rationabilis concineatur, cur ipsum nolit, aut non possit ordinare. Si secùs factū fuerit, ordinans poenam condignā puniendus erit ordinatus verò manebit suspensus, vt à nemine, ne quidem à Penitentiariis Sedis Apostolicæ sine speciali Pontificis licentia absolvi possit.

S V M M A R I V M.

Licet Episcopus Italiæ ultramontanum ordinare nequeat sine speciali facultate Papæ, vel per parentes literas Episcopi sui, poterit tamen Italus ultra montes ordinari, si petat.

Circa hanc Constit. quæritur primò; Vtrum similiter locum habeat, si Italus ultra montes se ordinari cupiat? Videtur enim esse affirmandum, propter identitatem rationis. Sed bene negant Gl. ver. Italiæ, Ioann. Monach. Archidiac. Ancharanus, & alij plerique. *Quia lex poenalis, aut à iure antiquo exorbitans propter similitudinem rationis extendenda non est ad casum, vel personas non expressas, sicuti docet Gl. in reg. 49. in 6. ver. in poenis. Neque obstat, tametsi rationem diuersitatis fortasse assignare nō possumus: potuit enim leglatorem mouere ra-*

tio, quam nos ignoramus, cur de Italiis, & non de ultramontanis tale statutum edidit. *Quo sensu Vlpianus dixit l. 28. ff. de legibus, quod non omnium, que à maioriis constituta sunt, ratio reddi potest.*

QVÆRITVR secundò: Vtrum satis etiam sit, si dimissoriq; literæ, quales in textu requiruntur, ab Episcopo domicili afferantur. Negat Gl. ver. emisit, quia in textu tantum fit mentio de Episcopo originis, & de Episcopo beneficij. Sed contrarium rectius docent Ioan. Monachus, Archidiacus, Ioan. Andr. Ancharanus. *Quia hæc extenso ultra verba textus, propter omnimodam similitudinem rationis facta, aliis iuribus conscientia est, vt appareat ex c. 3. hoc lib. & tit. Est autem id frequens, immo necessarium, vt numerum ius per alterum suppleatur, arg. c. dum expedit, 29. de elect.*

QVÆRITVR tertio: Vtrum huic penali constitutioni locus etiam sit, si Clericus ultramontanus in Italia primam tonsuram, vel ordines minores accipiat? Aliqui negant apud Ancharanum hic. *Quia in proemio volum fit mentio de susceptione ordinis faci, Sed Gl. hic ver. clericum, affirmit: quia constitutio generatim loquitur, vt nullus Episcopus ultramontanus clericum ordinare præsumat: cùm ergo ius non distinguat, nec nos distingue debemus, arg. l. de pretio. 8. ff. de Publiciana. Alij verò distinguunt, vt Suarez disp. 3. i. fect. 1. n. 19. Textum intelligendum etiam esse de quatuor minoribus, non autem de prima tonsura: Quia primam tonsuram conferre propriè loquendo, non est clericum ordinare; cùm prima tonsura non sit ordo, neque ea clericis conferatur, sed laicis. Mihi placet sententia Gl.*

Ad fundam. 1. sententiae respondet: Potius attendenda esse verba constitutionis, quam quid in proemio præmissum fuerit. Ad fundam. Suarez respondet cum Gl. *Quod Episcopus ultramontano primam tonsuram conferens clericum ordinet, quando per eam clericū efficit. Est id frequens in sacris canonibus, vt prima tonsura clericalis ordo dicatur, eiisque collatio clerici ordinatio, vt constat ex c. Lugdunensis, 9. q. 2. & clavis.*